

大日本史

六十六

第二百五十四卷 列傳
 大庭景親 伊東祐親 齋藤實盛 足利忠綱 平家貞 平盛俊 藤原忠清 瀨尾兼康
 第二百五十五卷 列傳
 藤原成親 平時忠 平賴盛

史傳載紀

一五〇册	一〇架	七五函	三八九號	和書門類
------	-----	-----	------	------

二六九函	一五〇架	二八九九號	內閣文庫
八架	冊	號	番號 和 28399
			冊數 150(66)
			函號 269 24



大日本史卷之一百五

列傳第八十一



權中納言從三位源光國傳修

男權中納言從三位綱條校


孫權中納言從三位治保重校

大庭景親 弟景久

伊東祐親 子祐清

齋藤實盛

足利忠綱



平家貞子貞能

平盛俊子盛嗣

藤原忠清子景清弟景家

瀨尾兼康

大庭景親姓平稱三郎相模人平太景能弟

也平氏系圖異本保元物語相模人據東鑑○諸系圖或為景義子誤保元之

難屬源義朝攻白河殿保元嘗有罪當斬由

平氏救濟獲免源平盛源賴政起兵景親屬

平氏往擊之東鑑源賴朝據石橋山景親與弟

股野景久屬平氏源平盛與武藏相模諸將

率兵三千往攻東鑑源平稻毛重成謂景親

曰日既暮矣彼此難辨請以明日戰源平盛

會三浦義澄等至九子河縱火景親及諸將

家景親望見曰是三浦黨之所為也若延至

明日彼必來合我腹背受敵勢不可支石橋

之塞道路狹窄不便驅馳今乘敵兵寡少先

攻拔之明日徑與三浦黨戰則兩無失矣東鑑

參取源平乃進攻之至曉賴朝敗走入杉山盛衰記

景親乘勝追北，賴朝潛匿山谷，景親蹤跡不
 得，置關險隘，斷走路，遣騎報狀。平清盛、清盛
 命維盛、忠度等將兵擊賴朝，既而賴朝聲勢
 大振，關東將士景附，景親率兵一千○盛衰
記作三
 千迎平軍，東鑑、源平
盛衰記往抵藍澤宿，源平盛
衰記聞
 賴朝將兵二十萬，越足柄山，甲斐源氏二萬
 餘屯駿河，窮蹙計無所出，逃于河村山，○盛
衰記
 山作星數日出降，賴朝命拘于上總介平廣常
 所，東鑑、源平
盛衰記遂斬之。固瀨河上，東
鑑子某亦與

父共斬，源平盛
衰記弟景久，

景久稱股野五郎，與景親攻賴朝于石橋山，
 與佐那田義忠搏戰獲之，東鑑、參取源
平盛衰記及賴
 朝敗走，景久欲擊武田一條等族，督駿河目
 代橋遠茂兵赴甲斐，次富士北麓，夜有羣鼠，
 悉嚙斷兵士弓弦，景久不知所為，往至彼志
 太山，會安田義定、工藤景光等來自甲斐，與
 戰，景久軍不能射，潰奔，東鑑
及景親被斬，景久
自度不脫，潛赴京師，
東鑑、源平
盛衰記遂從平維盛、

擊源義仲于北國、安宅軍敗、義仲追北至成

合、景久縱橫奮戰、獲首十三、創重遂自殺、源平

盛衰記 ○八坂本平家物語、景久戰死、先是

景久與齋藤實盛等在京師、實盛自期必死、

欲試儕輩意、謂景久等曰、方今源氏日振、平

氏屢敗、顧降木曾殿邪、景久曰、吾曹素名于

東國、若其熱附寒離、吾不忍為今日之事、吾

意決矣、至是戰死、平家物語

伊東祐親 祐親據東鑑 ○姓藤原、工藤大夫

家次孫也、父曰祐家、尊卑分脈 家次年老娶寡婦、

婦有一女、家次與之亂生祐次、祐家蚤世家

次、乃立祐次為嗣、與之伊東莊、令祐親兄事

之、與河津莊、因稱河津二郎、祐親怨恚、謂我

寔為適孫、固宜承重、而反以庶孽為嗣、甚無

謂也、及家次死、遂訟之廳、不勝、祐親益銜怒、

會祐次疾將死、祐親往問之、陽為悲泣、不堪、

祐次信之、以子祐經屬之、曰、金石年及十五、

則子為加烏帽、妻以子之女、祐親許諾、祐次

感喜而終、金石祐經幼名也、既長食伊東莊、祐親以其女同往京師、謁平重盛、留祐經宿衛、身還伊豆、悉奪其采邑、祐經遣人收租、而不能得、祐經訴之、祐親竊賂主司、主司裁決、中分其莊、令各領其半、祐經忿恨、竊出京師、將圖祐親、祐親悟之、告狀京師、遂奪祐經妻、更嫁土肥遠平、祐經益慚憤、間行還伊豆、謀殺祐親、時源賴朝謫居伊豆、祐親及子祐泰、

祐泰據東鑑○尊卑分脈作祐道

與諸豪族迎賴朝獵于富

士野、祐經命家僮大見、小藤太八幡三郎圖之、伏赤澤山、覘之、祐泰先至、八幡自後射中之、祐泰顧而注矢、不能發、悶絕墮馬、祐親繼至、大見射傷其手指、祐親佯為重傷、伏蔭於馬、呼曰、有賊、眾皆馳集、大見八幡脫身而逃、祐親見祐泰拔其矢、厲聲曰、射汝者誰、汝被一箭、不言而死乎、祐泰細語在咽中曰、祐經有宿怨、嚮見大見八幡怪之耳、今祐經承公方眷顧、恐終不利於大人、言訖而死、祐親悲

憤乃遣次子祐清殺大見八幡初賴朝抵伊東與祐親女通生一兒時祐親在京師其妻私舉之祐親還家聞而惡之又恐獲罪於平氏竊殺其兒併圖害賴朝祐清告之賴朝去適北條曾我物語○按本書書祐親族人與尊卑分脈等所載頗有異同今不盡註治承中賴朝舉兵敗于石橋山走土肥祐親帥兵三百追之不及乃燒土肥民屋而還源平盛衰記賴朝兵威日振關東悉降附祐親勢窮將艤舟伊豆鯉名赴駿河會于平維盛途

為天野遠景所擒時賴朝屯黃瀨川遠景以祐親往謁之祐親女婿三浦義澄請拘之已家壽永中賴朝妻有身因請宥祐親賴朝許之義澄大悅使祐親詣幕府謝罪祐親嘆曰我何顏面復見賴朝乎遂自殺東鑑祐經少宿衛京師為左衛門尉稱工藤一臈東鑑曾我物語頗好和歌後事賴朝甚被眷遇常懼祐泰二子祐成時致復讎竊說賴朝曰伊東孫河津二子為曾我祐信所養伊東乃公之讎彼若成

長、必將逞其志、豈不危哉、賴朝欲收二子、斬

之、畠山重忠等營救獲免、曾我物語建久四年、祐

經從賴朝獵于富士野、遂為祐成時致所殺、

東鑑、曾我物語、子祐時、尊卑分脈小字犬房丸、工藤系圖亦事

賴朝、東鑑、曾我物語、

祐清稱伊東九郎、東鑑初賴朝流于伊豆、祐清

知其非常人、私善遇焉、父祐親將殺賴朝、祐

清告其謀以避之、賴朝深德之、祐親之死、賴

朝召祐清曰、汝父之罪、吾猶欲宥之、汝德于

吾、吾將重賞汝、祐清曰、父已遭害、吾何面目

事君、且吾保君、豈望後報哉、宜速斬吾、不然、

請放吾、吾必為平氏射君、賴朝曰、吾不忍殺

汝、且一人去就、何與於勝敗之數、汝疾去、屬

平氏、遂放遣之、祐清乃奔京師、後從平氏與

源義仲戰于篠原而死、長門本平家物語

齋藤實盛稱別當、鎮守府將軍藤原利仁之

後也、世為越前著姓、至實盛遷武藏長井、源平

盛衰事源為義、義朝、白河殿及待賢門之戰、

從義朝有功焉

保元物語
平治物語

義朝之東奔也實

盛等僅三十餘騎從之延曆寺僧徒諜知之

眾三百人出要于路實盛下馬手冑被髮覆

面給謂之曰我輩諸國募兵遇左馬頭殿戰

沒偷生逃還殺之何功若要鎧仗請悉獻所

有但諸君眾盛恐不能周給今從吾所擲諸

君自獲之如何因投冑於地僧徒競赴之眾

乘其喧爭而馳過僧徒大怒揮兵追迫實盛

大呼自名旋馬當之僧徒辟易却去又進破

橫川僧徒于龍華比至勢多義朝謝遣實盛

等各路分走期會于東國

平治物語

義朝亡後仕

平宗盛從維盛擊源義仲于北陸先是富士

川之戰實盛盛稱關東將士騎射精強難當

軍士大懼遂致不戰而走至是請宗盛曰臣

必致死此役以澡前恥唯越前臣之鄉閭親

姻皆在古曰衣錦還鄉願得衣錦直垂以為

身後之華宗盛憐而許之及戰于篠原眾皆

敗走實盛獨止奮鬪與手塚光盛相搏遂為

所殺光盛以首示義仲曰光盛獲此首以為
 士則著錦衣以為將則單騎無卒問其姓字
 終不告第曰示木曾殿義仲熟視曰噫是齋
 藤別當乎我幼而見之其髮既華今乃鬢黑
 何哉樋口與齋藤有舊或識之乃召認之兼
 光一視潛然曰是實盛也平昔語曰我年老
 力衰每取侮少壯他日臨戰當染鬚髮以伍
 壯者今果踐其言乃洗之鬚髮皤然義仲為
 之掩泣時年七十三源平盛衰記二子宗貞
平家物語

稱齋藤五宗光稱齋藤六二子名據長門本平家物語事

平維盛維盛西奔宗貞兄弟請從之維盛不
 聽曰乃父北征留爾等在此似逆知有今日
 矣為我保護幼子六代宗貞兄弟乃止隨六
 代母子匿菖蒲谷六代之見捕兄弟從之徒
 跣東行及被貫還京師共為僧不知所終平家
語物
 足利忠綱稱又太郎鎮守府將軍藤原秀鄉
 之裔也世食下野足利莊父俊綱仁安中遭

讒收其食邑、往京師、許寬、平重盛申理、還與、俊綱深德之、思効力於平氏、忠綱驍武絕倫、時人謂忠綱過人者三、齒長一寸、聲聞十里、力敵百人、治承中以仁王舉兵、賜令旨於忠綱、及小山朝政、忠綱與朝政同宗、竝為州之豪右、以故常相猜忌、忠綱素善平氏、遂從平知盛擊王於宇治、東鑑橋既徹、河水方漲、藤原忠清進戰而敗、乃議分兵守岸、轉出于淀芋洗、不然則引兵赴河內、忠綱進謂知盛曰、若

紆道移時、則僧兵來援、王入奈良、勢不可復制矣、且今臨敵、何顧漂没、乃厲眾徑濟、從騎三百、無一溺者、諸軍繼進、遂獲大克、忠綱時年十七、平家物語、源平盛衰記既還京師、忠清盛稱戰勝之功、實由忠綱、清盛召欲賞之、忠綱請補上野六郡大介、給新田莊、許之、而忠綱族人爭功喧嘩、清盛終不果、源平盛衰記明年信太義廣圖襲鎌倉、乞援于忠綱、忠綱欲因事而除朝政、即應義廣及義廣敗、逃匿于龍輿、居數

日其下桐生某勸令逃亡忠綱遂走西海不知其所終治承中俊綱為賴朝所攻桐生殺之出降賴朝惡其悖逆即誅之梟於俊綱首傍沒俊綱所領地赦其妻孥還與宅地及資財東鑑忠綱有子曰忠廣承久之亂屬王師戰死佐野系圖

平家貞鎮守府將軍貞盛之裔進三郎大夫家房子也平家物語源平盛衰記○盛衰記家房作李房諸本系圖為筑後守子範季祖木工頭貞光給仕右京大夫正盛子

孫世臣屬平氏焉家貞任筑後守天承中廷臣將辱平忠盛于殿上家貞與子家長衷甲橫刀候于階下藏人頭源師俊叱却之家貞不肯去白身是忠盛從士有所聞而來以備非常瞋目仰視聲氣猛厲眾大沮不敢發忠盛亦以詭計欺眾竟得免源平盛衰記清盛如熊野路聞藤原信賴作亂欲還擊之無器仗家貞取其所齎長櫃五十具出鎧冑弓箭若干人皆服其有備清盛聞信賴兵盛欲赴四國

徵兵重盛諫之使速赴難家貞力贊之遂還
京師及源義平攻六波羅家貞與子貞能先
衆進與義平戰平治元年日向太郎通
良反于肥前救清盛討之清盛遣家貞往攻
之通良勇悍城固不拔既而官兵磨至賊衆
漸衰踰歲城陷斬首三百餘級傳通良及子
通秀親能等七人首于京師上皇御鳥羽殿
觀之家貞從騎二百餘整隊而行姿儀端潤
進退可觀上皇使人問姓名家貞馬上應對

見者美之源平盛子家繼貞能家實家長平


系圖家長據一本平氏系圖○按源平盛衰
記以家繼為貞能弟然玉海山槐記百鍊鈔
共為貞能兄與系圖合故從之
長門本平家物語家繼作貞繼家繼義烈傳

家長稱伊賀平内左衛門從平知盛死于壇

浦源平盛衰記

貞能為筑後肥後等守清盛恃以為腹心東鑑

治承四年菊池高直等起兵應源賴朝貞能
赴肥後發九國兵攻高直城兵固守貞能計
其不可急拔合圍守之扼險要絕糧道高直



食盡而降、原田四杵戶次等相踵納款、振旅歸京師、其在鎮西也、差官使課莊園社寺、徵兵糧、誅求峻急、筑紫之民為之冤苦、參取東鑑、平家

物語、源平時諸國瓦解、干戈日興、京師流言、盛衰記攝津源氏多田行綱以兵塞川尻、貞能將騎兵五百往擊之、聞事妄而還、騎兵五百、據平家物語路遇宗盛奉帝西奔、貞能迎謂宗盛曰、公欲焉往、縱赴西海、果能不死乎、敵知我走、所在邀截、死有餘辱、等死則死於京師耳、請速迴駕、

不聽、貞能悽然曰、臣眷戀京師、不能從駕、乃還京師、詣重盛墓、感愴移時、發墓收骨、源平盛衰藏之高野山、平家物語又從宗盛于福原、及其在太宰府、緒方惟能發兵來攻、宗盛遣貞能將兵禦之、不利而退、源平盛衰記、異本、平家物語後逃亡、削髮、源平盛衰記、平家物語更名以典、常陸那珂郡小松寺舊記因宇都宮朝綱請免死於鎌倉、許之、東鑑稱肥後入道、源平盛衰記、豐後土人所擒、而玉海云、貞能同資盛為考、小松寺舊記曰、貞能至常陸那珂郡、廢重盛遺骨、結茅行方郡、若海村、間居、以終云、

平盛俊、清盛之族父也。平氏系圖父盛國。平治物

盛衰記、歷伊勢守、為檢非違使。東鑑稱主馬判

官。平治物語、長門盛俊為人長壯多力、任越

中守。源平盛平治之亂、從重盛拒源義平於

六波羅。平治養和初、將兵擊源行家于洲股

川有功、又率子盛綱、盛嗣及兵五千、從平維

盛擊源義仲于篠原、相持安宅川、盛俊遣盛

綱測水得淺處、督眾而涉、與義仲兵接戰、復

與行家戰、志雄會義仲來援、乃退。源平盛宗

盛之西奔、盛俊舉族從之、保一谷城、城陷、諸

將出走、盛俊力鬪而死。平家物語、源盛國壇

浦之敗、被虜送于鎌倉、不食而死、弟盛久為

左兵衛尉、洲股川之戰、從平重衡有功。東鑑

門本平家物語曰、盛久從平宗盛西奔、軍敗

逃還京師、匿于民間、嘗敬觀世音、造等身像、

置清水寺、於是變服、徒跣、詣清水寺、為十日

拜、未滿、為北條時政所捕、送鎌倉、源賴朝使

土屋宗遠斬之、由比濱、臨刑、刀折、換之、復折、

宗遠異之、馳使告狀、賴朝妻北條氏有所夢、

事適相符、因免死、悉復食邑、與盛俊二子、盛

綱、盛嗣、



盛嗣為右兵衛尉、稱越中二郎兵衛。源平盛衰記

家物養和元年、從平知盛攻源行家于尾張

川。平家語壽永二年、從平維盛擊源義仲于礪

波山、又與義仲將足利義清戰于水島、大敗

之、手斬義清、從平教盛擊源行家于室山、斬

柘植有重。源平盛衰記屋島之戰、知盛激勵

將士、欲必獲義經、盛嗣奮曰、某初聞義經西

上、竊偵其狀貌、其人短小、腋之投海、易易耳、

乃舟中持鐵搭、鈎義經胄、幾獲之、小林宗行

救義經、盛嗣復鈎宗行、斷其鋌、源平盛衰記及

戰破、逃匿京師、會平知忠招聚義故、舉兵于

法性寺、盛嗣往屬之、為藤原能保所攻、知忠

自殺、盛嗣亡走、投但馬、人氣比道廣家、為養


馬卒、每浴馬、為馳射勢、漸被親近、竊與其女

通、道廣心知、為盛嗣而不問、既而道廣番直

京師、盛嗣時往來京師、有所嘗狎女、數遊其

家、會賴朝懸賞募盛嗣、或陰誘女、問盛嗣所

在、遂告之、鎌倉賴朝命道廣捕之、道廣乃遣



妹夫朝倉高清往但馬執之、高清使壯士數人就溜舍縛之、盛嗣出叱曰、吾豈為汝所擒者、然吾今逃去、道廣必得罪、義不敢逃、唯吾不忍受縲紲、乃自解腰帶、與之縛焉、賴朝見而責曰、汝平氏同屬、何不死於西海、盛嗣曰、平家諸公不能出一奇以圖恢復、遽就擒滅、某全性命、欲更奉一主以復先業耳、賴朝曰、汝嘗仕義、經何曰、向在京師、陰圖判官、然防閑周備、志不得遂、爾後貯鋸刀利鏃、欲試之

于將軍之身、賴朝意欲赦之、慮其為後患、遂

斬之、由比濱、長門本平家物語、由比濱據源

曰、賴朝欲赦盛嗣、用之、盛嗣曰、忠臣不事二君、今將軍不知盛嗣、赦而不誅、後必悔之、請

速斷頭、遂就刑、

藤原忠清、伊勢故市人、初稱伊藤五、保元事

平清盛、任右衛門尉、源平盛為上總介、初忠

清年十八、會有二賊、亡匿鳥羽殿寶庫、鎖門

自守、逮者環視、懼不敢入、忠清即踰垣直前、

手刃一賊、縛一賊、眾服其膽勇、平家以仁王



之舉兵潛入園城寺源賴政令僧徒牒招延
曆興福二寺兵寺應之平家將士會六波羅
計議忠清白山門南都戮力制之不易三井
寺僧徒閉關拒守山僧設弩據險招東海北
陸兵南都率芳野十津川衆而來則我腹背
受敵若相持曠日則諸國源氏亦將來合勢
難遽破請先啗山法師以利而誘之乃下院
宣於延曆寺討園城寺積米二萬石絹三千
匹於諸房使僧徒任意取之延曆寺果變約

屬平氏以仁王走宇治忠清與弟景家等從
平知盛追之自率三百餘騎與筒井明秀渡
邊省等戰不利既足利忠綱涉水而進忠清
亦繼濟戰有功源平盛衰記重衡等聞王走奈良
欲急往擊之忠清曰比及南都日將暮非計
也乃還師山槐記尋以先鋒屬平維盛東討源
賴朝軍于駿河富士川西夜有水禽驚噪衆
以賴朝兵來襲也舉軍大擾自潰而還清盛
大怒命斬忠清源平盛衰記平盛國力救得

大日本史 卷一百一十四 平家物語 十一

大日本史 卷一百一十四 平家物語 十一

免平家物語從維盛擊源行家于洲股川又與子

忠綱從維盛擊源義仲于北國忠綱戰死源平

盛衰記忠清遂削髮亡去伊藤八坂南都本平家物語及平

家繼糾合同志舉兵伊賀忠清往屬之家繼

敗死忠清逃亡于山中東鑑玉海後匿于志摩麻

生浦加藤太光買家眾執送之京師竟斬于

六條河原東鑑○平家物語曰忠清兄弟值

子姪皆戰亡遂懷悲而死今不取三子忠綱忠光景清忠光

義烈傳忠綱稱上總太郎為檢非違使治承

中從父擊源賴政于宇治射殺源兼綱從擊

源義仲戰死源平盛衰記平家物語

景清稱上總七郎兵衛軀幹長大以勇聞一

時世呼曰惡七兵衛源平盛衰記平家物語軀幹長大據長門本平

家物語壽永中屬平維盛攻源義仲不利又從

平知盛擊源行家于室山敗之源平盛衰記屋島

之戰景清登岸與美尾屋十郎接戰十郎卻

走景清逐之左挾眉尖刀右捉兜鍪首手相

掣斷其鍬鍛十郎遁去平家物語義經迫壇浦平

知盛欲獲義經、景清曰、坂東兵長於騎戰、至
船戰則若魚緣木、盡捉而投之海耳、平盛嗣
與後藤範綱交搏於舟中、景清自旁擊範綱
殺之、源平盛衰記平氏滅後、景清逃亡、會平知忠
舉兵于法性寺、景清往屬之、知忠既破、景清
亡走、長門本如白後出降、賴朝命和田義盛
拘其家、景清傲岸無禮、義盛不能堪、辭之、乃
移置八田知家許、居歲餘、景清不食而死、八坂
本平家物語忠清弟景家、

景家任飛驒守、從忠清戰于宇治、獲賴政首、

山槐記圓滿院源覺鬪甚力、景家慮以仁王得

間逃去、引兵急追之、及於光明山、令騎雨射、

王中流矢殞、平家物語養和初、率子景高從平維

盛、擊源義仲于北國、安宅之戰、景高戰死、景

家與兄忠清剃髮為僧、源平盛衰記、八坂本

記藤戶之戰、不知其所終、二子景高、景經、景

高稱太郎左衛門、從父追以仁王、獲其首而

還、又屬平維盛、擊源義仲大敗、退戰安宅、渡、



景高特以所率兵五百當根井幸親兵二百
 餘人奮戰久之兩軍殺傷略盡遂為幸親所
 殺源平盛景經稱三郎左衛門平宗盛以其
 乳母子最親昵之壇浦之敗宗盛投海為伊
 勢義盛所鈎執景經厲聲叱之跳入其舟揮
 刀斬一卒進欲擊義盛堀親弘自旁射中景
 經顙竟被殺源平盛衰記
 瀨尾兼康備中人稱太郎食瀨尾莊○瀨尾
 尾壽永中從平維盛擊源義仲戰于安宅渡一作妹

為倉光成澄所擒將斬義仲奇其狀貌釋之
 屬成澄弟成氏拘之兼康屈心事成氏甚得
 歡心因說曰瀨尾莊善水草君當乞而得之
 我為鄉導成氏請義仲與俱往兼康子宗康
 聞而來迎遇于播磨國府行抵備前三石驛
 親朋載酒來終夜劇飲成氏醉卧兼康與宗
 康刺殺之又襲殺源行家所置吏于備前國
 府於是招募兵士得二千餘人設塞于佐佐
 迫守之會義仲帥兵赴備前塗聞之大怒令

今井兼平以兵三千擊之、兼康敗走、保備中板倉河、追兵至又敗、與成澄交搏墜水、水中引成澄刀殺之、奪其騎而走、宗康體膚充肥、足腫不能從行、困踣道上、兼康既行里許、不忍棄去、復還前處、相見揮淚、既而追兵驟至、慮其不可脫、手刃宗康、力鬪斬數人、遂為所

殺、平家物語○源平盛衰記曰、初兼康見擒、屈心事義仲、會義仲兵戰備中水島大敗、國人皆降平氏、義仲親將眾往擊之、兼康以其土人、命為鄉導、及到播磨、詐謂義仲曰、請我先往、備中使本州人具葛糧也、又誘成澄曰、我前所食瀨尾莊、七壤膏腴、蓋試以功請之、

成澄請義仲而得之、乃與兼康俱赴瀨尾、比抵備前、和氣渡、憇于路傍、佛寺、兼康謂曰、瀨尾距此不遠、但邑人未知新司之臨、恐供給有闕、請先往告諭父老也、乃馳至草壁邑、與親舊合謀、夜率眾襲佛寺、殺成澄、因招集土兵、得三百人、扼佐迫之險、備之、義仲聞成澄見殺、大怒、來攻、兼康兵敗、退保板倉、復敗、乃與子兼道出走、兼道體肥、不能從步、俱入林中、蔽大木、射追兵、矢竭、各割腹而死、今從本書、

大日本史卷之一百五十四終

大日本史卷之一百五十四

[Faded text in the right column, likely bleed-through from the reverse side of the page.]

大日本史卷之一百五十五

列傳第八十二

權中納言從三位源光圀 修

男權中納言從三位綱條 校

玄孫權中納言從三位治保重 校

藤原成親子成經 藤原師光

平時忠

平賴盛 平宗清

藤原成親權中納言家成子尊卑分朕仕近

衛後白河朝、歷侍從、越後守、右近衛中將、公卿

補後白河上皇特親寵之、參預機務、平治之

亂、黨于藤原信賴、兵敗走仁和寺、上皇匿之、

平清盛遣兵仁和寺、收捕反黨、成親就囚、當

死、重盛以其姻親為營救之、遂得末減、平治物語

姻親據源平盛衰記、○按愚管鈔曰、成親信賴至仁和寺、覺性法親王收二人送清盛、信

賴被誅、成親尚弱、罪狀稍輕、故得不死、今從本書、應保元年復官爵、

公卿補任尋以上皇近臣解官、公卿補任仁安中

為參議、拜權中納言、公卿補任兼尾張守、嘉應元

年成親遣目代右衛門尉政友于尾張、○政友姓

關政友至美濃、與平野莊祠官爭鬪、莊隸于

延曆寺僧徒怒、奉神輿詣關、訴其罪、廷議流

成親于備後、政友下獄、未赴配所、得赦復本

官、百鍊鈔源平盛衰記二年兼右衛門督、為

檢非違使、別當、安元中任權大納言、公卿補任治

承元年、左近衛大將關成親負寵躁進、力丐

而不得、心頗怏怏、既而重盛宗盛超拜左右

大將、成親益怨恚、陰脩戰具、聚同志將圖平

氏源平盛衰記長門本平家物語○按二書

左大將藤原實定為左大將成親以爲亦出

于清盛之意計益決矣按公卿補任治承元年

年七月成親死于配所其年十一月實定招

為左大將據此則二書誤矣故今不取

藏入源行綱厚饗之促膝身語曰平氏竊弄

朝權罪惡貫盈法皇欲使成親討之雖非敵

愾之器欲竭駑駘之力卿源氏之胄豈無意

於將帥之寄事若有濟為卿奏請操天下兵

權行綱許諾初成親欲與法勝寺執行俊寬

謀難於發言數召出侍婢佐酒俊寬通焉

成親承間告謀與檢非違使平康賴式部大

輔藤原章綱僧蓮海西光等會于俊寬鹿谷

別莊西光有寵于法皇與成親相結外託游

燕專議軍事成親遺行綱白布五十端以資

軍實宴酣風起翻傘羣馬奔逸坐客驚起誤

破瓶子成親笑曰今日首事平氏既倒○瓶子

氏音豈不快乎一坐皆笑康賴起舞曰平氏

首既得矣宜徇街市梟于獄門乃取瓶子懸

屋柱源平盛衰記參取平家物語式部成親

建議曰、適會祇園祭、街衢喧囂、宜乘此時、縱火六波羅、四面急攻、掩擊不備、豈不得志、乃以行綱為將、赴八條、俊寬康賴七條北門、蓮海章綱修善寺西、部署已定、長門本平會延家物語曆寺座主明雲處流、僧徒羣起、奪之法皇、將使成親討之、以故不得發行綱、見其計議、度日、以為以弱敵強、事必難濟、馳至福原、首實清盛大驚、急還六波羅、先收西光、訊鞫遣使招成親、成親未知事泄、盛服而至、吏卒擗首

執之、清盛命幽于小室、將待昏而害之、重盛往見之、成親泣曰、公為我請命、重盛見清盛陳說開譬、清盛意少解、乃見成親、嗔罵曰、平治之亂、卿當誅、以重盛力解、得有今日、位貴秩優、兼領州郡、而有何不歡、忽忘舊恩、反欲滅我、天鑒不爽、遂為我囚、卿具陳謀議、成親低頭謝曰、我於公固無宿怨、豈有此事、言出讒吻、冀勿之信、清盛怒取西光款狀、大聲讀之曰、卿何面目復欺我乎、以其書毆成親面、

命令曳出筮楚流于備前兒島使難波經遠
 護送焉經遠以兒島接于津會徙之難波無
 幾清盛命經遠殺之源平盛衰記經遠置毒酒中
 令飲不死平家物語撒鐵菱於崖下擠之而死源平
 盛衰記平家物語○愚管鈔曰時年四十據
 絕粒七日後使飲酒大醉而死公
 卿補任天養元年七歲之文成親嘗構臺館於鳥羽別莊
 極閎壯摸住江風致名洲濱殿後白河法皇
 臨焉成親獻八葉車飾五緒簾餽遺公卿以
 下甚夥至牛卒受錢五十萬其僭奢如此長門

本平家 子成經

成經幼事後白河法皇特見愛幸近侍殆無

虛日源平盛衰記長嘉應承安間稍進為右

近衛少將兼丹波守公卿補任稱丹波少將治承

元年坐父事囚于六波羅妻父平教盛力救

之清盛不得已命瀨尾兼康放于備中既而

與康賴俊寬流于薩摩鬼界島源平盛衰記

教盛每給衣食成經輒分予二人艱楚萬狀

纔免飢寒平家物語明年遭赦還清盛餉物授邑

接待頗厚長門本平家物語尋復官進為參議正三

位建仁二年薨公卿補任○源平盛衰記為大納言誤

藤原師光阿波人不詳其父事少納言入道

信西幼而慧黠信西愛之薦為左衛門尉源平

盛衰記平治之亂信西逃于奈良師光從行及

信西將死師光剔髮請命法名信西為易名

西光平治物語為後白河法皇所親近寵遇日渥

源平盛衰記時人稱為昵臣第一玉海欲挂籍于冠

族敕為中納言藤原家成子姓行院中事于

預朝政尊卑分脈子師高為左衛門尉檢非違使

安元初任加賀守會師高子師經為目代因

事燒涌泉寺白山僧徒羣起奉神輿來延曆

寺併詣闕訴之廷議流師高于尾張師經亦

處流師光怨之構延曆寺座主明雲於法皇

流之伊豆參取源平盛衰記平家物語及鹿師經處流據玉海百鍊鈔

谷謀泄平清盛命捕師光致之前庭瞋目罵

曰汝以卑賤仕朝家父子竝任官職何乃狃

恩驕肆讒構天台座主今又黨兇惡圖我族

師光顏色不變曰凡為士夫者至受領檢非
 違使何足為過公父忠盛出身寒微殿上人
 恥與之齒公亦年長未得敘爵依託我家成
 卿布衣高履旦必伺候京師兒童呼曰高平
 太保元中以乃父逮捕海賊之賞超為四位
 兵衛佐世皆側目今乃位極人臣豈非濫竊
 之甚清盛不勝怒起蹴其面師光罵不輟拷
 掠極楚毒師光終首實乃命裂口參取源平
盛衰記平
 夜半斬之平梟其首百鍊子師高為加
家物語

賀守師平左衛門尉師親右衛門尉師高流
 在尾張及師光死清盛使小熊郡司維長姓
 殺之師平師親亦被殺皆梟其首參取源平
盛衰記平
家物語
 平時忠大納言高棟之後平氏兵部權大輔
 時信子也時信女為後白河帝后源平盛衰
記平家物
語平氏以故追贈左大臣百鍊鈔源平盛
衰記平氏系圖時
 忠久安中為非藏人左衛門尉後白河朝歷
 刑部兵部大輔永曆元年兼右少辨亡何解

官公卿補任應保二年坐咒詛國家流于出雲鍊百

鈔愚管鈔長門本平家物語出雲據公卿補任永萬元年赦還京師

明年復官位尋轉左少辨仁安中為參議敘

從三位兼右衛門督檢非違使別當尋任權

中納言公卿補任嘉應元年坐奏中納言藤原成

親罪狀不實又流出雲明年以延曆寺訴徵

還京師玉海百鍊鈔復官位尋敘從二位公卿補任治

承元年延曆寺僧徒奉神輿犯闕請流加賀

守師高諸將拒而卻之僧徒將再入京師朝

廷患之遣官使諭止之宣旨既出朝士畏縮

皆不欲行時忠於縉紳中素稱氣俠應選而

行僧徒怒甚欲加謬辱時忠神色不變直抵

大講堂援筆作書諭以順逆辭旨剴切僧徒

傳觀歎賞事遂解人稱其膽智源平盛衰記平家物語

三年進正二位公卿補任四年安德帝即位時年

三歲人譏清盛立幼主以顯私權時忠聞之

作色曰諸君何不解事之甚也近者近衛六

條二帝皆二三歲登天位若在異國則周成

王、漢孝孺、晉穆帝、或母后懷而臨朝、或在襁
 褓而登極、已有故事、復何容擬議、聞者笑謂
 皆非佳躅也。源平盛衰記、平家物語、壽永二年拜權大
 納言、公卿補任是秋從帝鎮西、先是豐後國司藤
 原賴輔遣子賴經綜理國務、聞平氏奉帝入
 太宰府、遙命賴經拒之、賴經與緒方惟能合
 謀、將犯行在所、惟能先遣子惟村令告平氏
 曰、惟能等嚮承院宣、勿令貴族入、九國請亟
 去此、時忠出見而謂之曰、汝諦聽我言、夫我

君天孫四十九世正統、人皇八十一代天子、

高倉帝嫡長子、天照皇大神之所幽贊、源平盛衰

記、平家物語、且傳國劍璽正在于茲、向東北兇徒

等為賴朝義仲所誑誤、不辨向背、屢拒官軍、

自速禍滅、汝輩去順效逆、是何心哉、且若鎮

西人士則趨走闕庭、近承天澤、今忽被鼻豐


後誑惑、對捍王師、天罰奚追、當此之時、汝輩

宜翼戴王室、戮力討賊、一旦大駕還宮、悔無

所及也、源平盛衰記惟村歸報、惟能不聽、遂率九

國兵來攻宗盛等奉帝而遁明年一谷城陷重衡為虜法皇令重衡送書于宗盛且降院宣于時忠上送三種神器御壺召次花方齋院宣至屋島時忠執花方曰汝為法皇使遠涉風浪亦甚勞矣今為汝作終身之記乃火印其面作浪方二字剪髻截鼻而遣焉源參取帝崩于海上也平氏或虜或死劔盛衰記平家物語璽亦沒海惟內侍所尚存兵士不知其何物將啓櫃忽暝眩衄血時忠視之叱曰此是內

侍所也兵士恐怖而退時忠已還京師竊語子時實曰吾有文書一篋向為義經所收若顯露於人間則所連及甚多吾亦難乎免矣為之奈何時實曰聞義經雅信婦言時事如此不如與彼結昏以請之時忠不聽時實強之泣而從之義經得女大悅遂還其文書時忠盡焚之源平盛衰記而奏請法皇曰臣從賊赴西海自知其罪難免然前內大臣命臣沈神鏡於海而臣保護歸降是臣之力也願



以此功得免流罪、安堵京師、即當剃髮染衣、

長謝人間、乃下公卿議之、參取玉海、源平盛衰記、時忠

在鎮西也、雖未嘗居閫職、至軍國事則無不

豫決、以故深為賴朝所忌、且前辱院使花方、

詞甚悖慢、法皇亦銜之、源平盛衰記、廷議遂流時

忠、于能登、時實于周防、玉海、源平盛衰記、長門本平家物語、○見

行本平家物語周防作安藝、八坂本作土佐、誤、官符既下、而遲留數

月、賴朝意義經之所為、上奏促之、赴能登、文

治五年、終於貶所、東鑑、年六十、公卿補任、○東鑑、作六十二、今

據公卿補任承安四年、賴朝嘆曰、斯人前朝之

輔佐、而有智臣之譽、宜為朝廷惜也、東鑑、時忠

在高倉、安德二朝、階緣椒掖、荐昇清要、且以

清盛妻兄、勢焰傾一時、敘位除目、多出其意、

世人期以大臣、呼曰平關白、凡三為檢非違

使、別當、源平盛衰記、廳務尚嚴、嘗逮強盜十二人、

斷其右手、懸諸獄門、時人驚氣焉、參取百鍊鈔、源平盛

衰記、平家物語、懸諸獄門、據百鍊鈔、子時實、時家、時宗、時實、仁

安元年、敘從五位下、任讚岐守、壽永中、進正

四位下、為左近衛權中將、公卿補任從帝赴鎮西、

及平氏滅、被虜還京師、平家物語源流于周

防、未赴徙所、義經與賴朝構隙、將往鎮西、時

實從之、至大物浦發船、暴風倏起、不得前行、

從士四散、時實亦與義經相失、將還京師、賴

朝兵士捕之、致于鎌倉、賴朝以朝官之罪不

可擅決、送還京師、改流上總、文治五年被赦

而還、東鑑建曆元年敘三位、建保元年暴薨、年

六十三、公卿補任時家至從四位下、任右近衛中

將、時宗為侍從、平氏系圖○本

平賴盛刑部卿忠盛第五子、清盛異母弟也、

平氏系圖公卿補任○初平氏有二寶刀、曰

小烏拔丸、忠盛卒、清盛以家嫡傳得小烏賴

盛亦以母故得拔丸、繇是與清盛有隙、長門本

家物語源保元中任安藝守、兼右兵衛佐、敘


從四位下、為中務大輔、尋兼參河守、公卿補任平

治之亂、帝潛幸六波羅、清盛使子弟各將一

千騎進攻、賴盛入郁芳門、與義朝戰、敗績、單

騎卻走、鎌田政家從兵八町、其郎多力疾走、
追而及之、以鐵搭鉤之、賴盛數傾冑避之、遂
為所鉤、幾墮馬、即揮拔、九截鐵搭、二郎顛仆、
得間奔歸于六波羅、既而信賴等敗、匿仁和
寺、賴盛與兄教盛率三百餘騎圍而虜之、以
功兼尾張守、平治物語永曆應保間、累進任修理
大夫、敘正四位下、永萬二年兼太宰大貳、仁
安元年敘從三位、任參議、治承四年敘正二
位、壽永二年拜權大納言、公卿補任其居曰池殿、

因稱池大納言、時東北諸源兵勢甚熾、宗盛
聞源義仲入京師、分遣諸將禦之、平家物語源平盛衰
記使賴盛向山階、賴盛辭曰、自治承三年冬、
我有所思、永廢弓箭、嘗告於故入道殿而誓
之、今不可復從戎事、宗盛不允、既而宗盛奉
帝赴西海、賴盛聞之、遣子為盛訶問、至鳥羽
及之、宗盛倉皇不及接言而去、愚管賴盛亦
躡後而往、然實無離京師意、至鳥羽、撤赤
幟而還、源平盛衰記抵法住寺殿、法皇命匿



之八條院所居常磐殿愚管鈔平家物語常

平盛嗣謂宗盛曰池殿麾下無一人至者是

必留京師請擊之宗盛曰忘恩捨義之人雖

來何益舍而勿問先是源賴朝以池尼之故

屢遺書慰安之且戒飭士卒勿害賴盛諸子

是以不從西狩平家物語源或榜其門譏依

倚仇家苟全身命賴盛深愧之源平盛三年

五月賴朝遣使招致賴盛及其臣平宗清於

鎌倉賴盛將往宗清固辭不從平家物語源

賴盛遂抵鎌倉賴朝接待甚渥東鑑源平與

之同舟自由比浦至杜戶飲燕盡歡東鑑六月

還京師東鑑平家物語○按公卿補賴朝贐

以金裝刀一口沙金一囊馬十匹東鑑○按

盛衰記平家物語奏復其官爵采地東鑑參

與之異今不取文治元年剃髮改名重蓮東鑑

明年薨年五十五公卿子保盛光盛為盛仲

盛知重保盛至正三位公卿補光盛正三

位愚管鈔為盛為右兵衛佐愚管鈔平紀

伊守平氏系圖○按源平盛衰記曰、為盛戰

猶存、故仲盛任佐渡守、知重敘從五位下、為

武藏守、平氏系圖

平宗清稱彌平左衛門、○諸本平治物語鎮

守府將軍貞盛八世孫、左衛門尉李宗子也、

東鑑八世孫據平氏系圖、仕平賴盛、及賴盛為尾張守、以

宗清為目代、永曆元年源義朝伏誅、其子朝

長死、賴朝亡、宗清自尾張入京師、路遇賴朝、

就而禽之、至青墓驛、掘朝長墓、獲其首、併送

六波羅、清盛囚賴朝於宗清家、行刑有日、宗

清謂賴朝曰、郎君欲免死邪、對曰、保元以來、

父兄宗族夷滅、且盡、冀為僧修冥福耳、宗清

意愍之、乃謂曰、尾州母池禪尼者、大貳之後

母、而大貳殊敬事之、尼性仁慈、前問君之狀

貌、僕為言君雖年少而有成人之風、且容姿

酷肖右馬助殿、尼聞之、悽愴形於色、君若憑


之請託、庶有萬一焉、右馬助者禪尼之少子、

名家盛蚤死、已而宗清抵禪尼、告以賴朝之



意尼惻然哀之、乃囑平重盛說清盛宥其死、清盛不聽、尚緩刑期、會義朝五七日忌至、賴朝請造率都婆、宗清為製百枚與之、賴朝手寫佛名、解衣施僧、禪尼聞而益哀之、營救備至、遂得免死、平治物語參取諸異本是以賴朝深德宗清、及擊平氏、每誡將士勿害宗清、長門本平家物語源平盛衰記、平氏西奔、宗清從賴盛留京師、賴朝思池尼之恩、欲招致賴盛、宗清於鎌倉、宗清不欲行、賴盛強之、宗清曰、公雖無憂而闔宗漂

泊西海、臣每念之、日夜悲憤、敢辭、賴盛有愧色、曰、家事咸以委卿、卿以吾為不可留、何故無一言、宗清曰、去留在公、何安可否之、人無貴賤、誰不愛其身、賴朝昔脫萬死、故得有今日、臣嘗有德於賴朝、今往相見、必有重賞、而獨不愧于西海諸公子僚友乎、公若為之倡、義臣請充前驅、如此行則何以臣為、公既留京師、鎌倉之招難拒、公至、鎌倉、賴朝必問臣、請為辭以疾、平家物語源乃送賴盛至近江



野路辭去、平家物語直往屋島仕宗盛、東鑑賴朝欲

召見宗清予之莊園、豫書充文、備鞍馬絹帛

以俟其至、又命將士三十人、各以鞍馬驛馬

及絹帛贈宗清、已而賴盛至、鎌倉曰、宗清以

疾不來、賴朝以為遺憾、以其所擬給物、悉贈

賴盛、源平盛衰記平氏亡、宗清遁不知所終、子家

清、平氏系圖與平田家繼等舉兵戰死於近江、東鑑

○本書唯書家清入道不載姓氏、然據平氏系圖考之、家清與家繼再從兄弟、則其為平

家清者明矣、故書于此、拓植家譜以宗清為少納言、平信實子、其說謂平氏亡、宗清避地

伊賀山中、賴朝遣藤九郎盛長就賜宗清、以

本州山田郡三十三邑、盛長勸宗清構室而

居焉、宗清手折柘枝、挿地曰、此枝蕃茂、則吾

居成矣、明年果開花、宗清奇之作和歌、因以

柘植為氏、然東鑑等書無所見、且考平氏系

圖、信實子有右京大夫宗清、而無稱柘植之

文、其稱柘植者、即左衛門尉宗清、則柘植

家譜蓋以其同名、誤為一人也、故不取、

大日本史卷之一百五十五終

大日本史卷之六十五
列傳
三

大日本史卷之六十五

在元... 清子... 之... 國...

... 命... 將... 子... 三...

... 清... 已... 而... 亦... 亦...

... 亦... 亦... 亦... 亦... 亦...

... 亦... 亦... 亦... 亦... 亦...

... 亦... 亦... 亦... 亦... 亦...

... 亦... 亦... 亦... 亦... 亦...

... 亦... 亦... 亦... 亦... 亦...



三

慶應

